



Sofia Geisler  
Inatsisartunut ilaasortaq, Inuit Ataqtigiit

**§ 37 apeqqummut, Naalagaaffiit Peqatigiit ukiorititaat nunap inoqqaavisa oqaasiinut tunngatinneqartoq pillugu, akissut**

05-02-2019  
Sagsnr. 2019 - 2188  
Dok. nr. 9879587

Asasara Sofia Geisler

Inatsisartut suleriaasaat naapertorlugu apeqquinnut qjanaq. Apeqqutigineqartut tullinnguuttuni akissuteqarfigissavakka.

Postboks 1029  
3900 Nuuk  
Tlf: +299 34 50 00  
Email: ikiin@nanoq.gl  
www.nanoq.gl

**Apeqqut 1: 2019 tassaavoq Naalagaaffiit Peqatigiit ukiorititaat nunap inoqqaavisa oqaasiinut tunngatinneqartoq.**

**Naalakkersuisut pilersaaruteqarpat tamatuma pisortatigoortumik malunnartinnissaanut?**

**Akissut:** Aningaasanut Inatsimmi Oqaasileriffiup, Oqaasiliortunut Nunallu aqqinik aalajangiisartunut sullissisumut, aningaasanik immikkoortitsisoqarnikuuvoq. Naalagaaffiit peqatigiit nunap inoqqaavisa oqaasiinut ukiorititaa Oqaasiliortuup ukiuni 20-nngortorsiorneralu ataatsikkoorput, tamanna pilersaaruteqarfigineqarpoq malunnartinniarneqassamaarluni Oqaasiliortimmit ukiuni 20-ni anguneqarsimasut oqaluttuaralugit saqqummersinnerisigut. Tamatuma saniatigut Naalagaaffiit Peqatigiit ukioq 2019 nunap inoqqaavisa oqaasii pillugit ukiorititaanut atatillugu Oqaasileriffik ukioq naallugu ima pilersaaruteqarpoq:

Oqaasileriffiup nittartakkamini Naalagaaffiit Peqatigiit ukioq 2019 nunap inoqqaavisa oqaasii pillugit ukiorititaa pillugu qupperneq pilersissavaa. Quppernermi tassani eqqarsaatigineqarpoq ukiup ingerlanerani paasissutissanik, atortorissaarutissanik, ilinniutinik, aliikkutassianik kalaallisut oqaatsit pillugit saqqummersitsisoqartassasoq, makkununga tunngasunik:

- kalaallisut oqaatsit Kalaallit Nunaanni inuiaqatigiinni attaveqaatit atugaanerat pillugu
- kalaallisut oqaatsit Kalaallit Nunaanni ilinniarnermi sakkutut atorneqarnerat pillugu
- kalaallisut oqaatsit Kalaallit Nunaanni inoqatit akornanni akuunissamut attaveqaatit atorneqarneri pillugit
- kalaallisut oqaatsit Kalaallit Nunaanni qarasaasiatigut atortorissaarutininik ineriartortitsineq pillugu
- kalaallisut oqaatsit Kalaallit Nunaanni suliniutit allat oqaatsinik ineriartortitsinermut tunngasut pillugit.

Oqaasileriffiup nittartagaani paasissutissat kalaallisut oqaasilinnut taamaallaat atugassiaassanngillat, taakkuli aamma allanik oqaasilinnuussallutik. Tamanna annertunerusumik kalaallisut oqaatsit pillugit paasisaqarfiusinnaassaaq, taamaalilluni kalaallisut oqaatsit oqaatsinut allanut naleqqiullugit allaassutaat oqaluttuarisaanerallu assersuunneqarsinnaassallutik.

Tamatuma saniatigut kalaallisut ilinniarnissamut sakkussat, atugassat assigisaallu quppernermi tassani nassaarineqarsinnaassallutik.

**Apeqqu 2: Apeqqu 1 aappamik akineqarpat: Tamanna qanoq malunnartinniarneqarpat?**

**Akissut:** Apeqqu 1-imut akissut takuuk.

**Apeqqu 3: Apeqqu 1 naaggamik akineqarpat: Suna tunngavigineqarpat nunap inoqqaavisa oqaasiinut ukioritinneqartup pisortatigoortumik malunnartinnianninneranut?**

**Akissut:** Apeqqu 1-imut akissut takuuk.

**Apeqqu 4: Apeqqu 1 naaggamik akineqarpat: Nunap inoqqaavisa oqaasiinut Naalagaaffiit Peqatigiit ukiorititaat Naalakkersuisunit arajutsineqarsimava?**

**Akissut:** Apeqqu 1-imut akissut takuuk.

Inussiarnersumik inuulluaqqusilluta  
Med venlig hilsen

  
Ane Lone Bagger